

“ZUBELTZU”

III. Bertsu Paper Sariketa



DEBA-ITZIAR

2011

Hemen dituzu, irakurle, 2011ko Zubeltzu bertso-paper sariketarako jaso ditugun lanak.

Hiru urte pasa dira, jada, sariketa antolatzen hasi ginenetik eta bertso kopuruari begiratuta behinik behin, ausartuko gara esaten, egonkortzen ez ezik zabaltzen ere ari dela poliki-poliki: Gaztetxoek taldean 50 lanetik gora jaso ditugu eta gazteenean 18, beste urteetan baino baten batzuk gehiago; eta nahiz eta Nagusien taldean kopuruak gora egin ez, joan den urteko kopuru berbera bildu dugu. Honenbestez, datozen urteetan, ildo beretik, gorantz egi-ten segitzea espero dugu.

Aurtengoan honako lan eta gaiak jarrita aritu zaizkigu parte hartzaileak:

- GAZTETXOAK (2000.ean jaiotakoak eta gazteagoak):

Lana: Gai bat aukeratu eta bertso bat edo 2 koplak egin, gutxienez.

Gaia: “Handitan musikari izan nahi dut”, edo
“Gurasoek behartzen naute eta nik ez dut nahi”.

- GAZTEAK (1996-1999an jaiotakoak):

Lana: Gai bat aukeratu eta 3 bertso edo 6 koplak egin, gutxienez.

Gaia: “Herriko festak antolatzeko eskatu digute”, edo
“Nire konfiantza osoa eman diot”.

- NAGUSIAK (1995ekoak eta zaharragoak):

Lana: Gai librean, 4 bertso edo 8 koplak, gutxienez.

Orriotan irakurri ahal izango dituzu, beraz, egileen ametsak eta ezinak, pozak eta tristurak, itxaropen eta etsipenak... Nola gaztetxoek, hala gazte zein nagusienak ere. Guztiak, jarritako lanari ahalik eta ondoen erantzuteko ahaleginean.


Gustuko izan ditzazula.

**Deba Udaleko Euskara Batzordea
eta ZUHATZA Euskara Elkarte**

ZUBELTZU

Lehen Hezkuntza

LEHEN HEZKUNTZA



Handitan izan nahi dut
Rockeko burua
dantzan jarriko det, bai
Debako ingurua
jendiak emango du
ia kangurua
gitarra jotzea da
nire helburua.

Debako herrian naiz
oso ospetsua
dantzan ipini ditut
herri ta auzua
musikak jartzen die
bihotzean sua
musika da niretzat
bizitza osua.

Doinua: Minberatu zaizkigu

Egilea: Ane Arrizabalaga

1. SARIA LEHEN HEZKUNTZA

Musikari izan nahi dut
txiki-txikitatik
ta gitarra jotzen dut
egun guztia nik
akorde eta notak
ateratzen zaizkit
arpegioak egiten
ere ondo dakit.

Protestak eta kexak
bigarren pisutik
baita gurasoak ere
desesperaturik
ni gitarra hartuta
banoa kaletik
nahiz denak protestaka
kantatuko det nik.

Doinua: Minberatu zaizkigu

Egilea: Maite Iglesias

2. SARIA LEHEN HEZKUNTZA

Musikari izan nahi dut
pianoa jotzen
danbolin biolina
ta pixkat dantzatzen
euskal dantza ta flauta
ditut denak lantzen
baina arazo bat dut
bat ondo aukeratzen.

Ondo pentsatu ondoren
egin dut galdera:
biolin talde handi bat
gu izango gera?
Beti ezin da ibili
musikari antzera
mediku izango naiz
hemendik aurrera.

Doinua: Minberatu zaizkigu

Egilea: Dorleta Aizpurua

3. SARIA LEHEN HEZKUNTZA

HANDITAN MUSIKARIA IZAN NAHI DUT

Betidanik izan naiz
musikalaria
baina oso zaila da
ona izatia.

Dantzan eta musikan
nahi dut trebatzea
asko saiatu arren
zaila da lortzea.

***Doinua: Orbelak airez aire
Egilea: Patxi Aizpurua***

Txikitatikan hainbeste gauza
burutik pasatu ziren
baina musika izan zen onena
medikuntza gustatu arren
hainbeste gauza nahi nituzke
gehien gitarra gustatzen
saiatuko naiz bildurrik gabe
gurasoei erregutzen.

***Doinua: Pello Joxepe
Egilea: Irene Durán***

Nota batekin hasia nintzen
partitura irakurtzen
gitarra hartu eta papera
gure taldea osatzen
arropa aukerau eta ondoren
kontzerturako prestatzen
mila euroko sari bat lortu
mundu guztia gozatzen.

Doinua: Pello Joxepe

Egilea: Teresa Aceña

Musika da niretzat
ametsik onena
denok elkartutzeko
modu errazena.

Lagunekin elkartu
musika jotzeko
soinua jo ta dantzan
ondo pasatzeko.

Doinua: Ama begira ezazu

Egilea: Martín Hernández

GURASOEK BEHARTZEN NAUTE BAINA NIK EZ DUT NAHI

Nik nahiko nuke beti
jolastera irten
baina kontrolerako
etxean ikasten.

Nire amak esaten du
beti ikastera
eta ni joaten naiz
herriko eskolara.

***Doinua: Astoa ikusi nuen
Egilea: Andoni Iburguren***

Gurasoek diote
matrakak ikasi
ingelesa ikastea
gustatzen zait niri.

Ingelesa gustoko
ingurune ere
musikari trebea
nik izan nahi nuke.

***Doinua: Astoa ikusi nuen
Egileak: Ane Larrañaga
Elena Pérez***

Nire etxean beti
esaten didate
kontrolak dituzu ta
hor ikasi arte.

Lagunekin jolastu
asko zait gustatzen
ingelesa ikastera
naute derrigortzen.

Doinua: Orbelak airez aire

Egileak: Gorka Prieto

Arder Rodríguez

Egunero nabil ni
pilotan jolasten
baina pilota ez zait
batere gustatzen.

Gurasoek diote
abila naizela
nire eskuek, berriz,
ados ez daudela.

Doinua: Ama begira ezazu

Egilea: Elene Urkiri

Gurasoek nahi naute
ikasten ikusi
kasu egingo diet
gaur burubelarri

Problema ugari ta
ikasteko asko
kalean jolastea
nik oso gogoko.

Xakean ibiltzen naiz
burua astintzen
baina beti bezala
bukatzen dut galtzen.

Doinua: Maritxu nora zoaz
Egilea: Mikel Zabala

Futbola lagunekin
ondo pasatzeko
horrek ez du balio
mate ikasteko.

Egunero joaten naiz
triste logelara
zigortuta zaude hor
asko ikastera!

Doinua: Ama begira ezazu
Egilea: Regina Esmoris

Etxean gurasoek
behartu nahi naute
jolastu gabe ikasi
hori esan dute.

Gurasoek diote
medikuntza ikasi
baina nik nahiago dut
jolasean hasi.

Doinua: Orbelak airez aire

Egilea: Martín Hernández

Amak derrigortzen nau
kirola egitera
baina nik ez dut joan nahi
guztiz nekatzera

Amak beti esaten dit
izateko artzain
nik erantzuten diot
ez egoteko zain.

Doinua: Ama begira ezazu

Egilea: Jon Muñoz

Logelan hemen nago
bertsoak abesten
gurasoek bainaute
eitera behartzen.

Mendia ez zait gustatzen
aspergarria da
beti gurasoekin
joan egin behar da.

Doinua: Maritxu nora zoaz

Egilea: Hodei Monasterio

BAKEROAK

Nik bakeroak ditut gorroto
futbolean aritzeko
amak behartu egiten nau ta
jantzi behar ibiltzeko.
Bakeroak direla txarrenak
lasterketan egiteko
hankan mina hartuko dut eta
gero ezin jolasteko.

Bakero beltzak sutara bota
berriz ere ez jazteko
niretzat hobeto da txandala
partidotara joateko.
Golak sartzeko deserosoa
izango da denentzako
hala ere bat sartu nuen (e)ta
pozik nago betirako.

Doinua: Aita-sumeak

Egilea: Aitor Arakistain

Beti gustoko izan dut
musika entzutea
orain pentsatzen nago
bertan murgiltzea
osaba bat daukat nik
panderu jolea
trikitia ikasita
bere bikotea.

Doinua: Triste bizi naiz eta

Egilea: Naia Agirregabiria

Amak behartzen nau ta
futbol ta pelotan
beti nago kejaka
ni etzanda sofan
beti egoten naiz ta
itxoiten kalean
azkenean nago ni
hobeto etxean

Doinua: Astoa ikusi nuen

Egilea: Leire Amesti

Goizero nik jaten det jam-jam
gosaltzeko ogi-txuria,
gero juteko musika eskola
ta ikusteko Maria.
Bakit zuk ez dezula nahi hau ta
sentitzen det, bai, andria
baina ez ahaztu ama maitia
nik joko det gitarria.

Doinua: Pello Joxepe

Egilea: Amaia Arozena

Handitan musikari
izan nahi izan dut
baina nire planak
egin dula purrut

Aitak eta amak
esaten diate
musikari izateko
saiatu egin behar det

***Doinua: Triste bizi naiz eta
Egilea: Ander Arrieta***

Eskolan gaizki nabil
matematiketan
ta partikularrean
beti berriketan.

Niri instrumentuak
ez zaizkit gustatzen
baina hementxe nago
saxofoia jotzen.

***Doinua: Maritxu nora zoaz
Egilea: Josu Beñaran***

Musikari izan nahi dut
inoiz baino gehio
beti tronpeta jotzen
askoz e hobeto
ez dakit zer egin ta
musika joko dut.
Solfeon apuntau gabe
ere ondo joko nun.

***Doinua: Triste bizi naiz eta
Egilea: Julen Bollain***

Tanborra ta ni beti guuntu
nire tanborra apurtu arte
gero beste bat erosiko dut
beste bat nire parte
ni okupauta paparatzikin
ta esango dizut gero arte
nijoalako oportetara
Hawaiera bihar arte.

Doinua: Pello Joxepe

Egilea: Oihan Bores

Txikitatikan nago,
solfeon apuntauta
eta Lorean bronkakin,
pixkat erotuta.
Pianoa jotzen det
aulkira lotuta
eta jaialdietan
guztiz motibauta.

Doinua: Triste bizi naiz eta

Egilea: Ibon Etxabe

Gurasoek nahi dute
abesteari ekin
eta bidaltzen naute
kantura ilusioakin
esaten dute abesten
dudala ahots onakin
horregatik behartzen
naute indarrakin

Doinua: Triste bizi naiz eta

Egilea: Aitana García

Ni neu Nagore musikolari
handitan izan nahi dut nik.
Pentsatuta naukan aspalditik
oso txiki-txikitatik.
Erakutsi jotzen trikiritixa
galdetu diot amari.
Irabazi eta esan nuen
ez dut merezi premiorik.

***Doinua: Aita semeak
tabernan daude
Egilea: Nagore González***

Gurasoek behartzen naute
nik esaten dut ez dut nahi,
mediku edo albaitaria
haiek nirekin dute jai.

Nahiago dut beste zeozer izan
baina ez didate uzten
nahiko nuke nire gurasoen kezka
utzi beste alde baten.

***Doinua: Aita semeak
tabernan daude
Egilea: Maria Ibarluzea***

Musikari izan nahi dut
txiki – txikitatik
eta gitarra jotzen
ikasi nahi dut nik.

Ni gitarra ikasten
hasi naiz jadanik
baina entsaiatzeko
ez dut denborarik.

Gitarra entsaiatzen
hasi naiz atzotik
eta jada ametsetan
lehen egunetik.

Doinua: Ama begira zazu
Egilea: Maddi Martin

Musikari izan nahi dut
amak beharturik
nik ez dut nahi izan ba
nahi baduzu jakin
eta aitari esan
mutu ez nago ni
baina amari asko
behartu izanik.

Doinua: Triste bizi naiz eta
Egilea: Nora Movellán

Gurasoek ni behartzen naute
dantza ta kirola eiten,
nik ez dudala nahi esan diet
ez diate inoiz entzuten.
Ondoren bai entzun diatela
ta duda dute buruen,
azkenian musika eingo det
gainera gitarra jotzen.

***Doinua: Aita semeak
tabernan daude***

Egilea: Malen Oiartzabal

Udaro udaro Ezcarayera
abuztua pasatzera.
Nik Deban gelditu nahiko nuke
lagun batzuen antzera.
Baina nire aitak esaten dunez
derrigorrez jun behar gera
hurrengo urtean geratuko naiz
lagun guztiekin batera.

Etxean kexatu ta esan diate
ea zoroa nagoen
ez didatela beti utziko
nik nahi dudana egiten.
Baina nik jarraituko det beti
aitari txapa ematen
ea hurrengo urteko abuztuan
Debatik ikusten garen.

Doinua: Pello Joxepe

Egilea: Julia Ron

Gurasoek behartzen naute ni
beti solfeora joaten
nahiz eta beti emaitza onak
ez zait batere gustatzen
ni ere koralen aspertzen naiz
egun osoa kantatzen
baina desapuntatu egin naiz
ze bake dudan sentitzen.

***Doinua: Aita semeak
tabernan daude
Egilea: Nora Salegui***

Niri behartzen naute
guraso zintzoak
handitan musikari
ona izateak
arazo txiki batzuk
ditu instrumentuak
gitarra baten soka
konpontzera noa.

***Doinua: Triste bizi naiz eta
Egilea: Joseba Sanchez***

Arazo larri bat dut
nire gurasoekin
musikari izan nahi dut
nire tronpetakin
arazo larri horrek
ez du irteerarik
nekatuta nago ni
nire problemakin.

***Doinua: Triste bizi naiz eta
Egilea: Mikele Uranga***

Handitan izan nahi dut
musikari ona
gitarra elektrikua
sei soka dituna
beti txikitatikan
egin nahi nuena
oraingo aukera da
munduko onena.

Doinua: Maritxu nora zoaz

Egilea: Aiora Zubicaray

Musikari izan nahi dut
Txiki nintzenetik
gauza asko ikasteko
ditut musikatik
instrumento askorekin
bada aukeratzetik
tronpeta politena
ta ez dut dudarik.

Nik jotzen dut musika
Hamelin moduan
aitzen duten guztiak
hasten dira dantzan
beste batzu dabilta
ederki kantuan
denak atzetik datoz
saguak moduan.

Doinua: Triste bizi naiz eta

Egilea: Andoni Garrido

Handitan panderoa
jotzea nahi dut nik
ondoan Alaitz euki
bikote izanik
panderoa ezin da
inoiz jo bakarrik
gu joan behar gera
ondo prestaturik.

Lehengusinan laguntza
guretzat da bake
gu biok proatzeko
aritzen jo ta ke
Ander eta Eider bezela
jotzia balaike
Euskadiko txapela
lortuko genuke.

Iritsi da eguna
txapelketarako
oso ondo jo eta
ongi pasatzeko
hasi dira piezak
animo ta malko
azkenean lehena
zein da geldituko.

Bikote denak daude
gehiago urduritzen
epailearen lana
erabakia hartzen
altxatu da jendea
txalo asko jotzen
bioi txapela jantzi
gu pozez txoratzen.

***Doinua: Triste bizi naiz eta
Egilea: Beñat Escudero***

Gaur goizian esna nauz
ta ikusi det mahaian
biolontxelotxo bat
itxura lasaian
musikari izan nahi dut
oraingo garaian
biolontxelo ta
gehiago jo nahian.

Hasi nauz solfeon ta
gero tabernetan
ta eskatu didate
ez jotzeko bertan
orain zer egingo det
herritxo honetan
non bukatu det orain
Debako orkestan.

***Doinua: Triste bizi nauz eta
Egilea: Goizane Ajuriagoikoa***

Derrigortuta nago
kantari ibiltzen
koruan ta operan
gehiegi kantatzen
ez nauz ba ibiliko
nere ahotsa galtzen
jende aurrean jarri
ta desafinatzen.

***Doinua: Minberatu zaizkigu
Egilea: Itzale Laka***

Nire amak proposa dit
musika lantzea
gitarra eta arpa
jotzen ikastea
niri ez zait gustatu
ze kuxidadea!
Azkenean pentsatu det
bonbero izatea.

Azkenean naiz bonbero
itzaltzen sua urakin
kamioi eta guzti
kaletik Sarakin
jende asko salbatu det
nire mangerakin
azkenean pozik nago
nire lankideekin.

Doinua: Maritxu nora zoaz

Egilea: Irati Aznal



Hara amak eta aitak
zer egin didaten
behartu egin naute
magia ikasten
nahiko nuke ikasi
truko hori eginda
harritu daitezten.

Lortu dut egitea
gelditu naiz pozik
baina aita joan denez
tristura daukat nik
beste truko batekin
joan naiz kaletik
baina hona etortzeko
garaiz nago oraindik.

Doinua: Minberatu zaizkigu

Egilea: Janire Torronteras

Aitak behartzen nau ta
nik ez dut nahi eta
ta Merkurio planetan
jotzen dut tronpeta
oso gustora nabil
ni jaten txuleta
ta dagoeneko
sabela beteta

Doinua: Minberatu zaizkigu

Egilea: Jone Alonso

Behartu egiten naute
ta ez dut nahi izan
beraiek nahi dutena
egiten bizitzan
nahi dut izan dentista
konsulta etxian.

Esan diot amari:
“Ama utzi pakian”
Baina ez du kasoik iten
dao ilargian
dentista izatea
do nere buruan
Baina zoritxarrez ez
do aita ta amanian.

Doinua: Minberatu zaizkigu
Egilea: Maialen Beristain

Musikari izan nahi dut
txiki-txikitatik
instrumentu pila bat
jada baditut nik
banda handia ikusi dut
etxeko leihotik
inbidia eman dit
ta hori badakit.

Doinua: Triste bizi naiz eta
Egilea: Cristian Gherghe

Handitan musikari
izan nahi dut eta
talde batean nago
jotzen det tronpeta
eta gure taldea
deitzen da Vendetta
holako famosa da
Maialen Izeta.

Gu festetan gabiltza
batetik bestera
hurrengo astian guaz
denok Madrilera
gu juten gera hara
jendia animatzera
baina garrantsitsuena
tronpeta jotzera.

Doinua: Minberatu zaizkigu
Egilea: Maialen Izeta

Nire amak ta aitak
behartzen, bai, naute
apaiz handia izaten,
jubilatu arte
igandero eleizan
kopeta, bai, tente
ez dute inoiz lortuko
urte bete arte.

Doinua: Pasaiaiko herritik
Egilea: Nikolas Egaña

Gurasoak nahi dute
ni izan dentista
baina nik nahi dut izan
kriston terrorista
Bin Laden ikusita
handitu zait bista
imaginazioan
naiz kriston artista.

Egun batian bonba
jarri nun etxian
ta etxetik eskapau
nintzan bitartian
ikusten nago orain
albisteak etxian
barrez lehertu behar naiz
barren-barrenian.

***Doinua: Minberatu zaizkigu
Egilea: Sara Lili***

Nik ez dut musikaria izan nahi
baina behartu egiten nau
egun santu guztia ari da
kristoren lata ematen
nik ez dudala gogorik eta
ausartzen naiz abisatzen
alferrrik dela ematen du eta
hasi naiz denak aspertzen.

***Doinua: Aita semeak
tabernan daude
Egilea: Sara Goikoetxea***

Musikaria izatea,
tronpeta ta dena.
Amatxok eta aitatzok,
behartzen nautena.
Ni oso haserre nago,
nik dut ahalmena.
Baina aurre egiteko,
badaukat kemena.

Ni saiatzen naiz baina,
ezin zait gustatu.
Gurasoei esaten,
ez asko flipatu.
Ez dut ezer egingo,
nahiz ta apuntatu.
Hori egin aurretik,
hurrena pentsatu.

Doinua: Minberatu zaizkigu
Egilea: Paola Iñurrieta

Musikari izan nahi det
txiki-txikitatik
instrumentuak jo ta
perkusioa ikasirik
nire banda handia
deitzen da zergatik
eta gainera orain
atea det diskua nik

Doinua: Maritxu nora zoaz
Egilea: Oier Beristain



ZUBELTZU

Pertho Poybe

811
B

D.B.H.

ISLADAK

1

Zure begitara begiratu
eta ez zaitut ikusten
agian jada joana zara
ez duzu hitzik esaten.
Oihu handi bat egina dizut
baina ez duzu entzuten
bakarrik eta babesik gabe
oso zaila da bizitzen.

2

Orain arte biok zoriontsu
izan gera elkarrekin
itzul zaitezen eskatzen dizut
nire indar guztiekin
neukan konfiantza eman dizut
nahiz ta akats batzuk egin
lehen ginena izango gara
esfortzu pixka-batekin.

3

Hasteko pausu sendo, firmea
emango dugu aurrera
beldur guztiak aldendu eta
asko maitatuko gera.
Ez ezazu inoiz gutxietsi
asko balio duena
pertsona orok ematen baitu
bigarreneko aukera.

4

Beraz alaitu bihotz hautsiak
trikiti hotsak entzunez
bizitza bakarra da denona
bizi gauez ta egunez.
Helburu jakin batzuk ditugu
hori uka ezin denez,
altxa buruak ta borrokatu
etsaiei gogor eginez.

5

Ispiluan begiratu eta
hortxen ikusten zaitut zu
begietan disdira argi bat
nabaritzen hasi zaizu.
Irribarre bat bidali dizut
barrezka jarraitu duzu
“maite zaitut” esan dizut eta
“berdin” erantzun didazu.

***Doinua: Badira hiru aste
(Mikel Urdangarin)***

Egilea: Josune Arakistain

1. SARIA D.B.H.

FESTAK

Abuztuak hamalau
San Roke eguna
ondo pasatzea da
denok nahi duguna.

Jokoak egin dira
kuadrila egunean
denok ibili gara
ondo jolasean.

Goizian entzierrua
joan gera ikustera
gaupasa egin da gero
han agertu gera.

Guztiak urdin-urdin
marinel jantzita
sardina denok jaten
portuan jarrita.

Gauean kontzertuak
denok dantzan hasi
Vendetta ta Ken-Zazpi
nahi ditugu ikusi.

Festak amaitu eta
denok gaude triste
itxaron beharko degu
hurrengo urtera arte.

Egilea: Laura Arriola

2. SARIA D.B.H.

HERRIKO FESTAK ANTOLATZEN

Hasi beharra daukagu aurten
festak ere antolatzen
baina arazo haundi bat dugu
krisia da nabaritzen
aurrekontua ere joan zaigu
urterik urte gutxitzen
baina, hala ere, saiatu gara
ahalik eta ondoen.

San Nikolas eguna 10a
goiz-goizetikan da festa
hasteko dago meza santua
eta ondoren pilota
punta-puntako herri kirolez
arratsaldea beteta
eta gabean goizaldera arte
musika talde aparta.

Festetako amaiera zaigu
oroitu baino lehen heldu
hilaren 11a ospatuzeko
hainbat ekintza antolatu
boloak, pilota, dantzaldiak
ta zezenak ezin ahaztu
antolatu dugun denon partez
ahalik ondoen ospatu.

Egilea: Mainer Oñederra

3. SARIA D.B.H.

NIK NAHI DUT BERA, BAINA BAITA BERAK NI?

Begiak joan zaizkit
hango neskarekin
haren itxura eta
ibilkerarekin
seko maitemindu naiz
izaerarekin
gelditzeko esan diot
konfiantzarekin
baietz esango didan
esperantzarekin.

Abertzalea naiz ta
maite dut herria
Pirinioz ta mendiz
ez osatu berria
neska xarmant liraina
ta musugorria
maite dut aho, begi,
ile, belarria
konfiantza eman dizut
eman zure irria.

Zain geratuko naiz ni
hark erantzuteko
baietz esan ondoren
elkar geratzeko
esperantza dut behintzat
hori gertatzeko
irrikaz nago berak
baietz esateko
eskuak elkarturik
biok ibiltzeko.

***Doinua: Batetikan korrozka
Egilea: Lander Aranberri***

HERRIKO FESTAK ANTOLATZEKO ESKATU DIGUTE

Herriko festak datoz
udakin batera
antolakuntzarekin
batetik bestera
zenbat ideia eta
zenbat gorabehera
lan zail guzti honekin
nekatuko gera.

Festak badatozela
ze urduritasun
antolakuntzarekin
Ai! Zenbat zailtasun
ea guztia ondo
ateratzen zaigun
behintzat, guztiok ongi
pasatu dezagun.

Gure helburua da
ondo pasatzea
jokuekin, dantzekin,
barre egitea
ume eta gurasoek,
denek parte hartzea
eta espero dugu
giro ona egotea.

Egilea: Aitor Zubikarai

Txupinazora goazen
earki pasatzera
lagunekin joan eta
denak dibertitzera
erropa zahar hauek
osorik bustitzera
zapia jarri eta
berriz etxera.

Jendea ateratzen da
beti zezenetara
nahiz eta harrapatu
ta joan pikutara
umeak ausartak dira
eta doaz plazara
nahiz eta lotsa pasa
lortzeko beren jana.

Gazte hauek, ordea,
nahi dute jaia
barraketan montatu da
guzti hauen nahia
hau da hautatutako
nahi dudan gaia
espero dut zuek denok
izatea alaiak.

Egilea: Haritz Etxano

FESTETAKO EGITARAUA

Badatoz festak laster
ondo pasatzeko
juerga handiak bota
eta mozkortzeko
lehengo egunean
txupinazoa hasteko
gauean juerga bota
ohian bukatzeko.

Kriston buruko minaz
berriz esnatzeko
gogo handiarekin
kalera joateko
koadrilen nikiekin
plazan bazkaltzeko
ondo pasatu eta
gutxi aspertzeko.

Barraketan ibili
asko gozatzeko
diru asko gastatu
krisiai eusteko
azkeneko eguna
konturatzerako
gaua ondo pasatu
festak bukatzeko.

Egilea: Eñaut Salegi

Gogo askokin gaude
festekin hasteko
kalera irtengo gera
txupinazorako.

Lehenengo egunean
dugu danborrada
Debako martxarekin
kriston matrakada.

Denak txuriz jantzita
iritsi da eguna
San Roke igotzeko
gogoia duguna.

Lehenengo zezenketa
ikustera goaz
sarrerak ordaindu ta
esertzen bagoaz.

Iritsi zaigu gaua
suak ikusteko
hondartzara bagoaz
dena prestatzeko.

Abuztuak hemeretzi
bukatu da dena
zapia kendu eta
sartu zaigu pena.

Doinua: Ama begira ezazu

Egilea: Asier Badiola

Festak amaitu dira
aste motz batean,
ondo pasatu dugu
oso giro onean.

Kanpoko jende asko
uda pasatzera,
eta Sanroketara
lagun egitera.

Gau osoa pozikan
lorik egin gabe,
goiza iritsi arren
denok pozik gaude.

Oroimenak ditugu
aurtengo festetaz,
disfrutatu behar da
gehienbat bizitzaz.

Espero dugu berriz
laister iristea,
ez gaizki pasatzeko
hobe ikastea.

Pena badugu ere
denok elkarrekin,
urte bukaera da
disfruta denekin.

***Doinua: Ameriketara joan nintzen
Egilea: Maialen Gonzalez***

FESTETAKO EGITARAUA

Debako San Rokeak
hasi dira oraintxen
eta ondo pasatzeko
gu gaudela hemen.

Herriko jai onenak
eta luzeenak
San Roke eguna eta
Marinel eguna.

Baita ere umeena
eta San Roke txiki
oso ondo pasatzeko
etorri azkarki.

Txupinazuakin pozik
eta seietan ederki
umeak buruhandiekin
eta handiak edariekkin.

E(g)un guztietan parranda
hamaseian ezik
kalian e(g)un guztia
eta etxea zikin-zikin.

Hasieran zoro-zoro
bukaeran deskantso
hamalaua onena
eta hogeitristeena.

Egilea: Joseba Vallejo

FESTAK ANTOLATZEKO ESKATU DIGUTE

Abuztuak hamalau
festen hasiera,
San Roke ikusteko
goaz gu kalera.

Goizean erraldoiak
gero bazkaltzera
gauean irten
denok edatera.

Hurrengo egunean
dugu entzierroa,
goiz-goiz esnatu eta
lokartuta noa.

Marinelez jantzita
goazen portura,
kukainan igo eta
dirua lortzera.

Iritsi da eguna
umeen pozerako,
goizean kalejira
denok ikusteko.

Azkeneko eguna
iritsi delako,
denak triste gaude
San Roke agurtzeko.

***Doinua: Ama begira ezazu.
Egilea: Maialen Salgado***

MAITASUNIK EZ NABARI

Ikusi nuen lehen mutila
aurkitu nuen baliagarri.
Handik gutxira ezkondu ginen
presa sartuta bizitzari.

Elkarbizitza bat egin dugu,
mina eginez bihotzari.
Hobeto aukeratu behar nuela
pentsatzen dut orain sarri.

Denbora pasa eta hemen nago
beti lotuta berari.
Gure artean hitzik ez dago
bota errua denborari.

Goiz eta gaba pasatzen dugu
txilio egiten elkarri,
kopeta guztiz zimurtzen zaio
maitasuna ez nabari.

Orain joaten ez banaiz hemendik
ezin aurre egin ezeri
sekulako beldurra diot nik
gerta daitekeenari.

Nire konfiantza ematen nion
maitia esaten zidanari.
Esatekoa esanda dago
egin aurre beldurrari.

Doinua: Badira hiru aste

Egilea: Ainhoa Azkarate

BERTSOAK

1

Atzo arratsaldean
frontoian geundezen,
baloi bat oinetan
ta futbolean jolasten.
Helduak etorri ziren
gutaz galdetzen,
festak antolatzeko
laguntza eskatzen.

2

Festak etortzeaz dira
ondo pasatzeko,
ta gu hauek antolatzen
parranda egiteko.
Kanta, joko, ta festa
denon onerako,
lagunekin bazkaldu
ta festa pizteko.

3

Hainbat gara antolatzen
gure herriko festak,
gaur arte izan baitira
denon lagunak.
Ari gara prestatzen
umeen jokoak,
alaitasunez pizteko
herriko kaleak.

Doinua: Maritxu nora zoaz

Egilea: Aritz Torres

BERTSOA

San Rokiak badatoz
guk antolatuta,
ilusioz beteta
denok elkartuta.

Lan asko egin dugu
herriko jaietan,
gustuko izatea
nahi nuke benetan.

Orain disfrutatu ta
ondo pasatzera,
egindako lanaren
ordaina hartzera.

Festak hasten direla
txupinazoakin,
abuztuak hamalau
zapia jazteakin.

Gaupasa eta gero
entzierroa korrikan,
zezena etorri da
azkar, bai, benetan.

Konturatu orduko
amaitu da dena,
primeran pasa dugu
hauxe da, bai, pena.

Doinua: Ikusi nuenean

Egilea: Ainara Osa

JAIETAKO EGITARAUUA EGITEKO ESKATU DIGUTE

Aurten ere berriro
festak prestatzera,
gogo handiz eginda
ondo pasatzera.

Goizean goiz hasita
mezetan koroa,
eguerdian, berriz,
baita poteoa.

Herriko bazkaria
denok elkartzera,
janari goxoekin
tripa betetzera.

Arratsaldean, berriz,
gazteen jolasak,
herri kirolak eta
bertan apustuak.

Bertso poteoa da
iluntze aldera
guraso eta haurrak
pixkat mozkortzera.

Gauean kontzertuak
gazteen gustura
denak elkartu eta
txintxo ibiltzera.

Egilea: Txiki

KONFIANTZA OSOA DUT

Lagunekin konpondu
behar degu ongi,
baina zoritxarrez
ez da horrela beti.

Gauzak kontatu eta
elkar maite dugu,
denok ondo eraman
eta asko lagundu.

Konfiantza osoa
elkar jarri behar,
eta hola ez bada
ez da lagun zahar.

Batzutan ez da dena
horrela izaten,
zeren bado jendea
dagona izorratzen.

Goazen bada denok
ondo konpontzera,
horrela haserreak
denak saihestera.

Guk nahi dugun pertsonan
konfiantza ugari,
jarri behar dugula
esan lagunari.

Doinua: Maritxu nora zoaz

Egilea: Naiara Udabe

HERRIKO FESTAK

Festak heldu dira ta
nahi ondo pasatu,
famiakiakin ere
nahi degu gozatu,
inork ez du in behar
honekin lotsatu,
baina ederragoa
neskakin dantzatu.

Txupinazoa dala
lehen egunean,
hortikan aurrera gu
buelataka kalia,
ez garela geratzen
inundik etxian,
dakauna emateko
ahal dan bitartian.

Nekea somatzen da
bai gure hanketan,
baina ondo pasatzea
dago garunetan,
zezen eta buruhandi
herriko kaleetan,
zapia kentzen degu
gaueko hamabitan.

Doinua: Maritxu nora zoaz
Egilea: Amets Agirregabiria

ZU, NI, GU

Konfiantza osoa
jartzen dut beregan
bera nire albotik
inoiz joan ez dezan.
Bere begi berdeek
distira galtzean
mina nabaritzen dut
nire bihotzean.

Konfiantza osoa
jartzen dut nigan
nire bizitzan inoiz
nik hanka ez sartzean.
Berarekin nagoenean
oso pozik nago
nire bihotz taupadak
gero eta azkarrago.

Konfiantza osoa
jartzen dut gugan
gure bizitza osoa
elkarrekin joan dezan.
Entzun ondo zati hau
behin esango dut-eta
nire gogo guztiekin:
MAITE ZAITUT-ETA!

Egilea: Leire Galarraga



"ZUBELTZU"

Per 1990

NAGUSIAK

LAINO BELTZEN OROIMENA

Laurogei urtez bizitu zara
alde zaharreko etxean
herri guztian ezagun eta
maitea auzo denean
beti dotore apaintzen zinen
xarmant zenbiltzan kalean
baina lehengo irrifar hura
galdu da iraganean (bis).

Orain sei urte tabernan zinen
betiko buelta ematen
makil txikia eskuan eta
txuri arrunta edaten
azkenengoa eta etxera
beti errutina baten
kale erdian aurki zintudan
“Etxea non dut?” esaten (bis).

Hutsune hoiien handitasuna
oroitzapenen azkena
argi aldiek mantentzen zuten
genuen itxaropena
gero kalea arrotz bihurtu
berria zen jende dena
taberna hartan gelditua zen
betiko izan zinena (bis).

Orduz geroztik itzala duzu
eguzki printzaren ordez
mundurik ez da, bizirik ez da
ezer ulertzeko nekez
Alzheimerraren indarrak estu
menperatu zaitu katez
buruak ez du lanik egiten
eta gorputzak ere ez (bis).

Bide luzea, dena nekea
aurpegia beti hotza
hankak zintzilik, besoak hilik
baina taupaka bihotza
sentimendurik gabe ohean
ahula da arnas hotsa
zure burua bezala zutaz
ahaztu da heriotza (bis).

Doinua: "Beste bateko inularretan"

Egilea: Zigor Agirre

1. SARIA NAGUSIAK

ETORKINA

Afrika erdialdean
nire sorterría,
izena Mohamed dut
han neri jarria,
“Jose Mari” dut, berriz,
oraingo berria.
Bizitzak, zer eman dit?
miseri gorria;
gosea kendu nahian
honuntz etorria.

Munduan sortzez denok
omen gara berdin
ozen aldarrikatzen
digute behinik behin,
sinistu nahi dut baina
nahita ere ezin.
Basamortuan beltza
sortze hutsarekin
txirotasun karneta
dakarki berekin.

Bidaia egin nuen
askoren antzera,
bestela ezin eta
harturik patera,
berrogeitikan zortzi
heldu lehorrera.
Mundu zurian ez da
nabari galera,
protestan ez da inor
atera kalera.

Lehen Mundu ustel honi
kiratsa dario,
diruak beste ezerk
ez du hemen balio.
Beltz batzuk gorabehera
zer axola dio,
bat baino gehiagori
entzun izan zaio:
“Euren lurrean egon
bitez, zer arraio!”

Europa aberats dela
da gauza jakina
baina guztia ez du
zintzoki egina.
Afrikan bagenduen
bitzeko aina,
zuriak hara etorri
zitzazkigun baina,
eta zabaldu zuten
harrapari grina.

Afrikak jaso zuen
zurien bisita,
bost mendez euren mende
hura egon baita.
Aldegin zuten handik
ezer gabe utzita
guk elkar hil genezan
ateak itxita,
honuntz etorri ginen
han guztiz etsita.

Zurien erreinuan
beltza susmagarri,
alfer ta lapur fama
digute ezarri,
baina ez dugu asmo
txarrikan ekarri,
lanik ezin aurkitu
ta gabiltza larri.
Zeuen egoismoa
duzue galgarri.

Mendebaldean gauzak
okertuz doazte,
krisia dela eta
gainbehera zoazte,
baina erruki eske
alferrik zatozte,
neri krisiak ez dit
eragiten bat'e,
zeuen krisia da eta
izorra zaitezte!

Doinua: la jarri gaituzte
Egilea: Karlos Larrañaga
2. SARIA NAGUSIAK

BART ERE PARRANDA

Bikainen afaltzeko
lau lagunek zita
legatzekin limoia
txibiekin tinta
gainean txuleta bat
harek zeukan pinta
juerga egin beharra
handikan jeikita
Hostaleko rotondan
hartu eskubita.

Peajera jeitsita
“Nora hoa gizona?”
Donostira joatea
pentsatzen nagona
Amaratikan sartu
ahal zen seriona
bertan aparkatzea
ez genduan broma
hortarako Okendo
edo Artzai-Ona.

Poste baten kontra utziz
irten kotxetikan
“*Dame una limosna*”
Baztar batetikan
lore bati pixa egin
isuna hortikan
beste batek eskua
sartu dit patrikan
ez nekien Donostin
zorrak neuzkanikan!

Handik Kontxa aldera
metroko pausoa
bikote bat muxuka
hori, bai gozoa!
Beste kalean indar
matxista kasoa
ertzainak gazte bati
kriston erasoa
Donosti hauengaitik
al da famosoa?

Taberna ilun batean
hura parajea
dezibeluetan
behar zen doblea
traje eta gona motx
jende dotorea
Goierriko artzai bat
tartean, ordea,
“Belar ontzeko hau dek
temperaturea!”

Trago bat hartu ta irten
berriz abentura
Klub zioen argi bat
zegoela kontura
taberna itxura zeukan
bertara ingura
hamar euro sarrera
zeukaten ohitura
eta lehen kubata
etxean kontura.

Kubata eskuan ta
kubana bat aurrez
arropa gutxirekin
ze polita berez
*“Con ese pelo blanco
Ay, qué guapo eres”*
Sexu harremanetan
ase nahi plazerez
baina laurogeita hamar
eurotik behera ez.

“Te quiero” zion eta
biletia maita
lepotik heldu zidan
ta nik *“quita quita!”*
Baten senarra izan ta
beste biren aita,
nola ibili leiket
honera etorrita?
Kalamidade bat naiz
pentsatzen jarrita!

Buru makur kanpora
balantza ta errena
lehenbiziko galdera
“Non da eusko trena?”
Zarautz eta Zumaia
Itziar hurrena
berriro Hostaleko
rotondan barrena
segurtasuna baita
gauzik ederrena.

Seiak puntu puntuan
ginen erretiran
erdi lotan zeudenak
bapo esnatu ziran
denak bi zalantzakin
gaur Debako jiran
beste hiru lagunak
nortzuk ote ziran
eta kotxe bila nork
lagunduko didan.

*Egilea: Joxe Angel Salegi
(Lizarreta)*

3. SARIA NAGUSIAK



Lehendabiziko Jaunak egunon
dizuela denoi
bertso paper sariketa
Zubeltzuren izenean jarri!
Zoragarria iruditzen zait neri
guretzako gauz hori
horrek esan nahi du bere irudia
bizirik dugula oraindik.

Gaztea nintzala ezagutu nizun
nik zuri Zubeltzu
Lasao haundi baserrian
egiten ginaden elkartu
askotan merienda ondorian
kantuan zinan aritu
eta nik pozik egiten nizun
zure bertsoak aditu.

Zubeltzu maite, persona ez da
ia betiko egina
bada azkenean bakoitzak dauka
bukaera bat berdina
baina badago justuentzako
azken gabeko jardina
zeruko Aita hildako denei
eman zure atsegina.

Aizu Zubeltzu, munduratzean
zorretan dugun heriotza
hau gogoratzean saltoka daukat
nire barrengo bihotza
gure Jesusi ahal dan guztietan
egin daigun ba otoitza
premia dugun garaian izan
dezagun bere laguntza.

Doinua: Antxoni Antxoni
Egilea: Juan Urriolabeitia

KOLPEZ-KOLPE, PAGUZ-PAGU

Ixileko ubeldu gehiagorik egon ez dadin

Amets gozo ederrean,
elkar maite genunean.
Argitasuna ilunduz doa,
 unean unean.
Amets gaizto txarrean,
murgildua naiz gauean,
esnatuta ere amets gaiztoa
 zain aldamenean.

Esperantzarik gabeko
egun luzeak lekuko,
arimarik baikorrena ere
 lukete belztuko.
Etxean sartu orduko,
 lasaitasunari uko;
kolpe zarata hoiek ez ditut
 sekula ahaztuko.

Nire begiei begira
jarri bazina sikira,
lehen kolpeak barkatutzeko
 bazuten distira.
Ilundu zaizkit begira,
penaz doaz atzerrira.
Zure ondoan dituzun arren,
 urrutian dira.

Lehen ezkerreko masaila,
eskubikoan makila,
ezer egiten ez dakik baina
jipoitzen abila.
Arren bukatu dadila
ta izan zaitez ixila,
gure semeak entzun ez dezan
gaurko iskanbila.

Etxetikan irtetzean,
beltzunak gorde nahiean,
presaka nabil, arnas estuka,
batean bestean.
Eta laguntza eskean,
hastear nagoenean,
lotsaren garrak erretzen nau ni
utzia berean.

Nire buruaz beste egin,
tentazioa nirekin.
Saiatutzen naiz askotan baina
burutik ken ezin.
Indar berritu ta ekin,
bitza berri batekin,
borrero honen esku latzetan
erotu ez nedin.

Egunak argituko du,
nire senarrak nahi badu,
noiz arte izan beharko dut nik
beraren esklabu?
Bakardadea testigu,
hartu behar dut sosegu,
ta zinez diot “Ordainduko duk
dena paguz pagu”

***Doinua: Haizak hi, motel, mañontzi
Egilea: Jesus M^a Amasorrain***

Denboratxua pasa da eta
gose da nere txikia,
amatxo lanetikan badator
laster joko du atia.
Bitartian abestuko dizut
baten atzetik bestia
gero amari esango diot
eman agudo titia.

Zure amama antzu dago ta
aitak, aitxixak ezina,
amatxok emango dizu zuri
harek dauka esne fina.
Txuku-txuku goxo-goxo edan
hartuko dezu tamaina
zure amaren bular xamurrek
badute eta nahi haina.

Amatxoren iturri goxotik
beterik duzu sabela,
aitatxok pozik di-da batian
aldatu dizu pardela,
amamak lo-lo eragin dizu
beste inork ez bezela,
eta aitxitxa esaten dabil
aingerutxo bat zarela.

Zu jaso nahian hementxe dabiltz
etxeke eta auzuak,
txiki honek zein ahulak dauzkan
gorputz, hanka ta besuak.
Haunditutzian bihurtzen gera
jakitun ta indartsuak
baina askoz indar gehiago du
zure irribarretxuak.

Irribarre goxoa, xamurra,
ezerk kutsatu gabia;
mundu hontako injustiziek
aldatzen dute aurpegia.
Zure amatxo albuana dezu
erakusteko bidia,
baina gaurkuan lo-lo egizu
badago eta astia.

Zure sehaska balantzan dabil
binbili eta bonbolo
mundu hau ere holaxe dabil,
aurrerantzian auskalo.
Baina aitatxo albuana dezu
ez zaitu inoiz lagako
eta gaurkuan nere maitia
eginizu lo-lo, lo-lo.

Amaren sabeletik hasi ta
zure denbora guztian
euskeraren doinua izan da
entzun dezuna etxian.
Hazi txiki bat hasieratik
hor dakazu bihotzian.
Euskal zale bat izango zera
egun baten esnatzian.

Gu nagusion berriketekin
utziko zaitut pakian,
lo-lo ta lo-lo egizu orain
amets batzuek tartian.
Ametsak egi bihur daitezke,
zureak ere agian.
Konturatzen joango zera bai
lo-lo asko egitian.

Doinua: Haurtxo txikia negarrez dago
Egilea: Luis Mari Agirrezabala

